

Gabinete Hulandes di acuerdo cu plan pa limita Antiyanonan y Arubianonan di bay Hulanda

ORANJESTAD (AAN):—Ministernan Verdonk encarga cu e cartera di Migracion y Integracion, Donner y Pechtold a yega na un acuerdo cu ta encera cu ta pone un stop riba e binimento di Antiyano nan na Hulanda, esaki pa evita cu hobennan sin ningun intencion di Antiyas y Aruba pa bini Hulanda. Te cu un poco pasa e gabinete no por a yega na un acuerdo riba e topico aki, pero e ultimo plan riba cual posiblemente diabierna ultimo mester a wordo dicidi. E mandatarionan kier limita e fluho di antiyanonan y arubianonan sin perspectiva y esnan criminal. E plan ta dirigi specialmente riba antiyanonan y arubianonan entre 18 y 24 aña cu kier biaha pa Hulanda. Si dentro di 3 luna cu nan y nan ta trahando of studia, segun e plan, nan mester bolbe Antiyas. E acuerdo a lanta critica fuerte di gobierno Antiyano. Un vocero Antiyano a bisa cu e acuerdo den gabinete, no ta nifica acuerdo den Reino. Antiyanonan di un pasaporte hulandes y nan tin mesun derechonan cu hulandesnan europeo. Minister Verdonk riba e punto aki a laga sa cu e no ta compronde cu ta papia di discriminacion di e tuma e medidanan aki pasobra tin un gran cantidad di medidanan na Antiyas pa cu hulandesnan europeo y den ey si no ta papia di discriminacion. Tambe ta bini dilanti cu e echo cu e gabinete a yega na un compromiso, ta debi na e

consecuencia di e crisis cu tabatin entre ministernan, relaciona cu e Burgemeester eligi. Lo ta remarcable ta cu ex minister De Graaf no tabata sa nada di medidanan aki. En principio Minister

Verdonk tabata ke un areglo cu por deporta hobennan Antiyano si nan causa problema. E medida nobo aki ta regarda solamente antiyanonan cu kier biaha pa Hulanda y e cantidad di

antiyanonan cu ya ta bibando na Hulanda. E cantidad di antiyanonan cu a biaha na 2003, cu tabata 4273, 62% tabata hobennan di menos di 25 aña y mientras cu 42% ta sin trabou. Antiyanonan entre 12 y 24 aña 1 ariba 9

(10.7%) a comete un delito. Normalmente e porcentahe aki na Hulanda ta 1 ariba 40. Ayera a drenta e informacion cu gabinete hulandes a bay di acuerdo cu e medidanan presenta pa e ministronan hulandes menciona.

Mike Eman di AVP:

Ningun momento a papia na Madeira encuanto formamento di otro partido

ORANJESTAD (AAN): Lider di PPA durante un conferencia, a expresa palabra serio unda ta papia di un "Acuerdo di Madeira" cu awe a forma otro partido pa asina cera cabez y forma Gobierno den proximo eleccion.

Lider di AVP, mr. Mike Eman, di su banda a bisa cu aunke Nisbet no a ataca Partido berde, tog e ta lamenta e nivel cu cual el a ataca su mesun coleganan. E ta kere cu Nisbet a tuma over un tactica di loke Nelson Oduer a yega di tuma den

pasado, esta cu ora hendenan di bo partido na cierto momento bandona e fila, diripiente e hendenan ey no ta "bon mas".

Palabranan asina a worde dirigi den direccion di Mike de Meza, Monica Arends-Kock, y Antoni Gario.

"Ora nos como ser humano ta forma parti di un organizacion y pa cualkier motibo ta bin un kiebro, no ta corecto cu diripiente e ora ey ta bisa cu e hendenan aki tin cosnan cu no ta bon y ta divulga asina hopi cos,"

Eman a declara.


E no ta bon pa nivel di politica di Aruba, y mas bien tin di eleva politica na nivel pa asina pueblo por tin confianza cu e politiconan ta asumi nan responsabilidad pa cu cosnan grandi cu tin di worde haci pa e pais aki.

Eman a reacciona riba un supuesto "Acuerdo di Madeira", y e ta kere cu e ta djis un intento pa schuif e culpabilidad di kiebro den su partido, pa otronan. Eman a bisa cu Andin Bikker tabata hunto cu nan riba e bishita na Madeira como representante di Offshore Sector di Aruba

y a duna un contribucion grandi durante e mision ey pa studia tur posibilidad pa Aruba den futuro.

"Durante e bishita ey tabatin combersacion politico, pero sigur no a bay den direccion pa stimula Bikker pa lanta partido politico, pero al contrario, AVP a demostra interes pa Bikker mira posibilidad pa uni cu AVP cualkier dia," Eman a indica, subrayando cu e combersacionnan aki tabata hopi minimal, como cu mayoria vez a dedica riba e importancia di e mision.

NO TA TUR COS TA DI COME!!



BEST DEAL


Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



**Pressure
Cooker 2 L.
Afl. 42,95**

Denuncia na autoridad di menasa cu sicario

Minister Wever a confirma cu dos docter specialista a bisa cu e mester worde elimina

ORANJESTAD (AAN) — Den conferencia di prensa, Minister di Salud Publico drs. Candelario (Booshi) Wever a admiti di a ser informa cu tin dos specialista na Hospital, cu a expresa cu su persona mester worde elimina. E mandatario a aclarea cu el

a haya e pregunta aki for di prensa y el a contesta, pero no ta asina cu e ta buscando publicidad, mas ainda, el a entrega un denuncia caba na autoridad concerni.

Segun e dignatario den pasiyo di hospital e dos specialistanan a haci nan mes culpable di a expresa cu cierto hendenan den nos comunidad mester worde elimina y castiga, entre otro Minister Wever.

El a menciona cu un di e specialistanan ta procedente di Colombia y el a bisa cu e conoce cicarionan cu lo por haci "e trabao aki". Segun Minister Wever si ta resulta cu e nombrenan cu el a scucha ta enberdad e specialistanan cu a expresa asina, un di nan ta un docter cu a mafia AZV pa 1.8 miyon Florin, pero te ainda ta cana rond, y e caso aki tambe a worde denuncia, pero segun e lamentablemente Ministerio Publico te ainda no a haci un trabao efectivo ni concreto pa esaki.

Otro ta un docter cu a subi un lista politico y cu aparentemente ta bay busca voto for di e Coloniano Latino residencia na Aruba, particularmente esun Colombiano.

Segun e minister riba e aspecto aki mester para keto un rato, ya cu apesar cu e ta tuma e menaza aki na serio e no ta bay strobe pa e haci su trabao manera mester ta, pero e ta un pensamiento cu cual mester tene cuidao y tene na cuenta.

E mandatario a subraya cu e conoce diferente ciudadano Colombiano biba na Aruba, cu ta hende respetable y cu un di e motibonan particular, cu a move nan pa bin Aruba ta pa biba honradamente, ta pa haya tranquilidad.

Pero si tin hendenan cu educacion cu ta bay subi arena politico na Aruba, pero cu ta bin cu e mentalidad di politiconan na Colombia, cu hopi biaha ta elimina esnan cu no ta di acuerdo cu nan, nos comunidad mester tin cuidao cu e tipo di mentalidadnan aki.

Den e caso di e docter aki, segun e dignatario ta pasobra e gobierno aki y AZV a para cierto cosnan cu no ta corecto, entre otro cu


hendenan ta bin como turista na Aruba, anto drenta hospital haci operacion. Awor nan no por drenta Aruba como turista pa haci operacion y ricibi un "servicio di amigo", pero nan mester di un permiso pa haci esaki.

E mandatario a subraya cu

AZV a bin cu control pa e abusonnan cu a sosode for di cierto specialistanan y pesey e tin comprension pa specialistanan cu kier mira su persona y e gobierno aki, pa no ta parti mas di un gobernacion pa nan por sigui haci esey.

Segun Monica Arends-Kock: Benny Nisbet a haci un show

"Mi no lo baha y no lo tin nodi pa baha na e nivel baho di Sr. Nisbet"



ORANJESTAD (AAN)— Diabierna atardi, e conocido hurista, Señora Monica Arends-Kock a convoca un rueda di prensa pa asina e reacciona riba e ultimo declaracionnan di Sr. Benny Nisbet contra di su persona. Señora Arends-Kock a cataloga e ultimo palabranan di Sr. Benny Nisbet como un show y a bisa cu e por ripara un diferencia grandi entre su persona y Sr. Nisbet. E diferencia aki, a bisa ta mara na un forma di haci politica cu ta bieu, barata, cu atakenan personal, vs. esun di un persona serio, profesional y cu na un edad hoben a logra hopi den bida sin mester di politica.

E hurista ta di opinion cu pueblo ta cla pa cambio, pero a subraya cu locual e ta lamenta ta cu Sr. Nisbet te hasta a yega asina leu di involucra su famia den esaki. "Mi no ta compronde kico mi yiunan inocente di 5 cu 10 aña tin di haber cu esaki. Na ningun momento mi a falta respet na Sr. Nisbet pa su famia. Mi no lo baha y no lo tin nodi pa baha na e nivel baho di Sr. Nisbet", a bisa. Segun Arends-Kock, e discurso di Sr. Nisbet ta un

prueba cu su decision tabata corecto y hustifica, vooral mirando cu e no ta papia berdad. A agrega cu Nisbet a bay asina leu pa hura falso ariba su mayoman que en paz descanse. "Sikiera laga nan sosega na paz", a expresa. Banda di esaki, e hurista a señala cu no ta e prome ni e ultimo persona cu ta bandona PPA. A subraya cu e ultimo añanan, mas cu 150 miembro a bandona PPA. Akinan, historia a ripiti su mes y lo ripiti su mes den futuro tambe.

Tambe, prensa a puntra e abogado riba e declaracion di Sr. Nisbet ora cu el a bisa cu tabata tin podernan economico ahenor cu a penetra den asuntunan interno di e partido. Segun Arends-Kock, e no sa di kico Sr. Nisbet ta papia. A subraya cu si e ta papia un cos, e mester papia cla y bisa nomber pa e por reacciona, pero pa e por reacciona riba un cos baho asina, e no sa di kico e ta papia.

"A mi sa di mi persona, mi por papia di mi persona y mi campaña, y ken a financie. Esun cu a financie ta Monica Arends-Kock", asina el a finaliza.

Staten di Aruba mester tuma posicion mes ora contra acuerdo Hulandes

ORANJESTAD(AAN)—Cu aprobacion di gabinete hulandes pa limita entrada di hobennan antiyano y Arubiano cu kier establece na Hulanda, un protesta di un of otro ministro na Aruba no tin ningun forza, ta e reaccionnan cu a drenta na redaccion ayera.

Ta ser exige pa Staten di Aruba tene un sesion di urgencia y unanime protesta contra e medida aki cu ta haci cu Arubianonan ta bira "ciudadanonan di segundo grado", siendo hulandes cu paspoort hulandes, segun e reclamonan cu a drenta na redaccion ayera.

Gobierno di Antiyas a pasa un mocion unanime desaprobando e forma di actua di gobierno Hulandes y a pidi pa esaki ser trata den Consejo di ministro di Reino.

Na Antiyas esaki a ser

considera como prome paso y cu parlamento Antiyano tin intencion di bay mucho mas leu cu e asunto aki awor cu oposicion y e coalicion a mara hunto na interes di e pueblo antiyano.

E mocion aproba pa Antiyas a ser manda mes ora pa gobierno hulandes cu a tuma decision unilateral, locual no a cay den bon tera na Antiyas. Ta ser spera riba e movecion cu Aruba ta bay tuma awor pasobra esaki sigur lo causa daño na e relacion den reino y cu ta un medida discriminatorio aproba na Hulanda.

A ser pidi pa gobierno di Aruba tene reunion di Parlamento fin di e siman aki mes y pone ministro plenipotenciario na altura pa defende punto di bista di Arubianonan den reunion di consejo di ministronan di reino

Segun Arends-Kock:

Nunca el a pidi Benny Nisbet pa dune e liderazgo di PPA

ORANJESTAD (AAN)— Riba e insinuacionnan cu tabata tin relaciona cu un insistencia di parti di Señora Monica Arends-Kock pa haya number un den e lista di PPA, e mes a bisa prensa cu algun biaha el a papia cu Sr. Nisbet over di cambianan pa futuro.

A señala cu tres aña pasa caba, el a bisa Sr. Benny Nisbet cu mester bin cambio den partido PPA. A subraya cu na ningun momento el e pidie pa dune su liderazgo pasobra su opinion semper tabata pa e partido sigui crece, caminda mester tin un

"team effort".

Na su opinion, Sr. Nisbet tabata hopi importante pa e partido. Na ningun momento mi a pidie pa e liderazgo". A expresa cu pa loke ta trata number un, nan a discuti over di dje pa bin un cambio den number un y ken e persona lo ta cu lo por haya e puesto ey. E abogado a manifesta cu e semper el a bise cu si e schuif y duna Mike de Meza e number un, esaki pe tambe tabata bon.

Finalmente, Arends-Kock a bisa cu esaki ta algo cu e no a sconde of cu tras di suombra e tabata papia.